

o Hawai'i Nei e pili ana i ke Kānawai Kō

Mākou Mālama 'Ia 'Ana, Kō Mākou Koho

'O Hawai'i ka mana ho'okolokolo helu ewalu o nā moku'āina o 'Amelika Hui Pū 'Ia e 'āpono nei i kēia mana kōkua mauha'alele. He kānawai hoi ke Kānawai Kō Mākou Mālama 'Ia 'Ana, Kō Mākou Koho i hana 'ia no ke kōkua 'ana i kekahi i ma ke kōkua mauha'alele (No ka make 'ana) 'ana. 'Āpono kēia kānawai no ke kōkua 'ia 'ana o nā kānaka/mākua o'o me nā ma'i kuahope a kūpono ka ko lākou no'ono'o i pokole ke ola 'ana ma kahi o 'eono mahina a ma lalo iho mai no ka noi 'ana i nā kauka e ho'opa'a mai i nā noi no ka loa'a 'ana o nā huāle/lā'au no ka lawe 'ana aku no lākou iho i nā lā hope o ko lākou ola 'ana a i 'ole mai ka nui weliweli o ka 'eha no mau pule i hiki ai iā lākou ke make aku me ka maluhia. Pūlima 'ia kēia kānawai e ke Kia'āina David Ige i ka lā 5 o Apelila, 2018, a ho'omaka ka mana o nēia kānawai nei i ka lā 1 o Ianuali, 2019.

Nā pono e pono ai no ke kōkua mauha'alele?

No ke kōkua mauha'alele ma lalo o ke Kānawai Kō Mākou Mālama 'Ia 'Ana, Kō Mākou Koho, pono kekahi kanaka e:

1. Makua o'o
2. Loa'a ka ma'i kuahope
3. Loa'a ka hō'ike e hō'ike ana i ka manawa i koe no ke ola 'ana he 'eono mahina a emi mai.

4. Kūpono ka no'ono'o e no'ono'o pono ai i ka lākou e koho nei e pili ana i kō lākou koho mālamaola.

Nā mea 'ē a'e e pono ai no ka loa'a 'ana o ke kōkua:

- Kupa o Hawai'i/Malihi noho loa o Hawai'i
- Nāu pono'ī no ke koho
- Hiki ke lawe aku i nā huāle/lā'au kōkua mauha'alele no lākou iho.

Ke ka'ina hana no ka ho'ohana 'ana i nā kānawai no ka loa'a 'ana ke kōkua mauha'alele

Nā mea 'ē a'e e pono ai, he hana e hahai ai no ka loa'a 'ana o nā noi palapala ho'akāka no ka lā'au kōkua mauha'alele.

- **Pono kekahi e noi aku i 'ekolu (3) noi 'ana nōna iho — 'elua noi 'ana ma ka noi waha 'ana he 20 lā ke ka'awale o nā noi 'ana, ho'okahi noi 'ana ma ke kākau leka 'ana** ma ka ho'ohana 'ana i nā palapala 'ae e 'ikemaka 'ia e 'elua mau kānaka. Hiki 'ole i nā kānaka 'ē a'e ke noi aku no kēia, 'a'ole nā kānaka i ha'i 'ia, 'a'ole ho'i kekahi 'ohana a i 'ole kekahi palapala ho'āmana, a e hiki 'ole i hana 'ia nā noi e kekahi 'oihana mālama olakino.
- Pono e 'āpono 'ia e 'elua mau kauka mai Hawai'i mai no ka ho'ohana 'ana i polokalamu kōkua ma lalo o ke Kānawai Kō Mākou Mālama 'Ia 'Ana, Ka Mākou Koho. Ho'okahi kauka no ka ho'opa'a 'ana i ka palapala noi ho'akāka huāle/lā'au, kekahi kauka 'ē a'e e kōkua me nā mana o 'ōlelo kūkā.

- Pono e hō'ōia 'ia e ke kauka a i 'ole kahuna ho'oponopono no'ono'o a i 'ole kekahi limahana kōkua lehulehu i laikini 'ia ua kūpono ka no'ono'o o ka mea noi. Ua hiki ke holo kēia hō'ike nei ma o ka kelemālamaola (ma ke kelepona a i 'ole kelewikiō/wikiō).
- Pono ka mea noi e hō'ōia he kupa o 'ia no Hawai'i nei ma ka hō'ike'ike 'ana mai i nā mea i ha'i 'ia ma lalo iho nei:
 - ◆ Loa'a ka laikini kaleiwa a i 'ole kekahi kāleka hō'ōia i ha'awi 'ia mai e ke aupuni o Hawai'i nei
 - ◆ Ua kāinoa no ke koho pāloka 'ana ma Hawai'i nei
 - ◆ I mea hō'ōia e like me kekahi wahi noho pono'i a i 'ole e ho'olimalima nei i wahi noho ma Hawai'i nei a i 'ole,
 - ◆ Ua hana i ka lākou 'auhau kālā ho'ihou ma nā makahiki i hala aku nei.
- Pono e **'āpono piha 'ia kekahi ma hope o ka ha'awi 'ia 'ana mana'o** mai ko lākou kauka mai e pili ana i nā koho kōkua mauha'alele.
- **Pono nā mea ma'i e ho'opihapiha a ho'opau i kekahi palapala 'ae hope loa** i loko o 48 hola mā mua o ka lawe 'ana i nā lā'au kōkua mauha'alele, e ha'i hou ana no ka lawe 'ana i nā lā'au.

Mana'o: Ua hiki i kekahi ke ho'opau aku i ka noi i noi 'ia aku no ke kōkua mauha'alele no nā lā'au i noi 'ia a e hō'ole pū ho'i i ka ale 'ana o ia lā'au lā.

Nā lula e no nā po'e 'ikemaka e pili ana i ka noi kōkua mauha'alele

Pono e pūlima 'elua mau kōkua 'ikemaka i ka palapala 'ae hope i kākau 'ia i mua o ke kanaka e noi nei no ka huāle/lā'au kōkua mauha'alele. Loa'a kēia palapala ma ka wahi pūnaeweke puni honua o ke Ke'ena Mālama Olakino o Hawai'i Nei, a i 'ole hiki ke hele ma

www.CompassionandChoices.org/Hawaii.

Nā mea e pono ai ma muli o ke kōkua:

- Pono 'elua mākua o'o 'ikemaka e hō'ōia, ma nā 'ike a me nā mana'o 'oia'i'o a pau, no ke kanaka e noi nei no ka huāle/lā'au:

- ◆ Kūpono ka mana'o a me ka no'ono'o a 'a'ole ho'i e ho'oweliweli, 'a'ole ho'i e hana hewa a i 'ole e ho'okūā'ino mai.
- ◆ E pūlima ho'i i ka palapala noi me ko lākou mana'o iho nō
- Ho'okahi wale nō o ia mau kōkua 'ikemaka i 'ae 'ia he pili 'ohana ma ke koko, a i 'ole ma o ka male 'ia 'ana a i 'ole ua ho'ohiki 'ia 'ana; a i 'ole kekahi po'e i ho'okuleana 'ia kekahi hapa o nā ho'o'ilina o ka mea ma'i e noi nei ma hope o ko lakou make 'ana.
- Ho'okahi wale nō o nēia mau kōkua 'ikemaka i 'ae 'ia i loa'a ko lākou 'oihana mālama olakino pono'i, hana a i 'ole he limahana no kekahi hui 'oihana mālama olakino kahi e hele ai ka mea ma'i e noi nei i ka lapa'au 'ia 'ana a i ;'ole e noho nei ma kekahi haukapila.
- Hiki 'OLE ke kauka lawelawe ke lilo aku i kanaka 'ike maka, pēia pū me ka kauka kōkua a i 'ole ke kauka ho'oponopono no'ono'o.

Pauma'ele ho'i ka palapala ho'o'ilina a i 'ole ka 'inikua a ka mea noi

Ua hō'ōia ke kōkua e pauma'ele 'ole ho'i nā ho'o'ilina, nā 'inikua, nā 'aelike 'ukupau a me nā uku makahiki no nā kōkua i 'āpono 'ia ma ia noi e noi 'ia nei no a i 'ole e ale nei i nā huāle/lā'au kōkua mauha'alele 'ana. 'Eia nā ma'i i ho'opa'a 'ia ke kumu o ka hala 'ana e ho'opa'a 'ia aku ma ka palapala hala. Wahi a ke kōkua o nā hala e hala ai kekahi ma muli o ka lawe 'ana i nā lā'au a lākou i 'inu pono'i aku ai no ke kōkua mauha'alele, 'a'ole ia e kapa 'ia he hala ma ka lawe 'ana i kō lākou 'ola iho.

Pehea e wala'au ai me kau kauka e pili ana i ke kōkua mauha'alele

Noi aku i kōkua inā kōkua lākou i kēia koho o ka pau-hala-ola nei, pēia pū me ke kōkua mauha'alele. He mea ho'i e ho'omākaukau aku a e paipai aku ai i nā 'oihana mālama olakino e ho'olohe mai i kou mau makakoho a e ho'omākaukau ho'i iā lākou no ke kōkua 'ana mai ia'oe me nā lapa'au au e makemake nei i kēia ne'e 'ana aku. Inā hiki 'ole iā lākou ke kōkua a i 'ole e

kāko‘o mai i kou mau koho pau-hala-ola, ua hiki iā‘oe ke koho aku e ho‘ololi i kāu hui ‘oihana mālama olakino i kekahi hui ‘oihana mālama olakino e hiki ai ke ho‘okō ‘ia kou mau makemake.

Hiki i nā kauka ke kelepona aku i ka hui Aloha a me nā Koho ma Doc2Doc laina kōkua ma ka helu kelepona o 800-247-7421 no kekahi kūkākūkā manuahi a ho‘okapu ‘ia nā kūkākūkā a me nā ‘ike pau-hala-ola me nā limahana kōkua i nui a hewa nā ‘ike ma kēia kōkua pau-hala-ola nei.

Nā ‘ike ‘ē a ‘e

Ua hiki ke loa‘a nā palapala, nā wikiō a me nā kumuwaiwai no nā mea ma‘i a me nā kauka ma ka helu wahi pūnaewele puni honua o CompassionAndChoices.org/hawaii a i ‘ole hiki ke leka uila mai ma Hawaii@compassionandchoices.org.